

Cârciunu Hâriosu !

Tinjisits sh-duruts Armânji !

Cu furnjia Sârbâtoriloru di iarnâ, Cumândâsearea Consillui Armânjiloru vâ uarâ, ditu inimâ, Cârciunu Hâriosu, sânatatî, ghineatsâ sh-prucukii sh-unu An Nău 2010 mplinu di harauâ sh-amintaticu trâ Armânami.

Ti cathi unu di noi, dzuua di Cârciunu easti dzuua cându amintarea Hristolui adusi lunjina tu lumi, easti dzuua cându cathi unu di noi prindi sâ s-hârseascâ, agârshinda lâetsli, dzâlili cu niori sh-bumbunidzari, atseali dzâli ditu banâ cama ptsânu lunjinati. Tu bana di cathi dzuuâ, nu daima tuti suntu „sâmti“, câ easti bana personalâ icâ easti bana ditu fumealjia a cathi unu di noi.

Tora, tu bitisita alushtuiu anu 2009, hâristusimu armânjiloru tuts tsi cu vreari, tinjiseari sh-dukeari armâneascâ, ama sh-cu multu copusu, pritu lucurlu-a loru, agiutarâ sh-andrupârâ cu angâtanu ca ligâturli armânjiloru mpârtsâts di sinuri s-aibâ unâ urdinari sh-unâ cunushteari ma bunâ cari s-ducâ la aprucheari sh-acâkiseari anamisa di tuts armânjilji.

Hâristusimu atsiloru tuts tsi cu vreari andrupârâ tuti activitâtsli di estanu, activitâts tu cari consillu cilâstâsi sh-va cilâstâseascâ de-aoa sh-nclo trâ andruparea câftâriloru a fariloru armânjiloru ca limba sh-cultura loru s-armânâ tu yishtearea culturalâ a Evropâljei.

Consillu Armânjiloru (Makedonarmânjiloru)
Biroulu di Cumândâseari

tu 24-li di Andreu 2009

(Bulitinu Infurmativu Nr.18)